

四庫全書

集部

欽定四庫全書

集部

四溟集卷五

六

詳校官中書臣涂日煥

侍讀臣孫球覆勘

總校官知縣臣繆琪

校對官中書臣汪學金

謄錄監生臣孔廣平

欽定四庫全書

四溟集卷五

明 謝榛 撰

七言律詩

送許中丞伯誠鎮遼陽

雄才當代擬登壇，東度榆關歲欲殘。  
燕嶠暮雲天外起，遼河春水雪中寒。  
艱虞自謂匡時晚，戰伐誰知得士難。  
謾說請纓平百越，行看仗策靜三韓。

送李給事元樹奉使雲中諸鎮

瑣闥朝下促飛旌  
歲暮看君塞上行  
戎角動人多苦調  
戎衣走馬半新兵  
關開涿鹿雲連樹  
路出蜚狐雪滿城  
計日楚才封事上  
君王深見九邊情

送陳太守仲聲還任金華

雙旌帶雪下長安  
曉色催人馬上寒  
不憚風塵馳驛道  
應知父老佇江干  
金華雲隔三千里  
碧草春生五百灘  
遙想元龍乘暇處  
高樓明月共誰看

留別程侍御信夫宋比部汝化

孤琴瘦馬臨長陌執手那堪惆悵色雪中疎柳動啼鴉  
林外斜陽催去客二子正當經濟時我向江湖任所之  
故鄉意氣且杯酒天外浮雲安可期

冬夜宗考功子相宅同張比部士直錢進士惟重  
餞別方行人仲安使闕里便道還蜀

虛堂秉燭共開樽歲晚梅花發禁園南北交情今夜醉  
江湖別思幾時論天邊候鴈逢燕使雪後春泥過魯門

家在涪川暫歸去萬峰回首隔中原

酬王侍御子梁見寄

臺畔烏啼夜獨醒憂時不寐向中庭幾看燕嶠秋雲白  
三度梁園春草青夢斷關河驚過鴈書傳南北感浮萍  
君才況值艱虞日驄馬歸來鬢欲星

春日洹上閒居

芳草洲邊春水生蒼茫霽色動柴荆風吹楊柳幽人卧  
日上梨花獨鳥鳴泉石自能忘俗事壺觴聊復寄閒情

千年好憶東方朔金馬能兼大隱名

公子行

少年公子美容光共羨豪華傾大梁  
花柳旋開馳馬路金珠亂擲鬪鷄場  
青樓對舞春無歇白紵嬌歌夜未央  
獨有侯生空老大夷門風雨自悲涼

送張別駕赴秦中

曉別孤城鴉亂啼函關迢遞正春泥  
馬經三輔雪霜後路出五陵松柏西  
烽火獨愁秦塞迥郡樓長望隴雲低

寶刀靈氣君堪佩  
晉代功名定與齊

送沈克昌東歸

孤琴漂泊氣難平  
老傍天涯復鄴城  
四海知音須我輩  
一朝傾蓋識君情  
官橋疎柳高秋色  
旅館寒螿獨夜聲  
太石潭邊好歸去  
漁竿不負野鷗盟

送謝武選少安犒師固原因還蜀會兄葬

天書早下促星輶  
二月關河凍欲消  
白首應憐班定遠  
黃金先賜霍嫖姚  
秦雲曉度三川水  
蜀道春通萬里橋



一對郢筒腸欲斷鵲鵲原上草蕭蕭

送章行人景南使閩中

春盡天涯感別離  
滄波極目去帆遲  
江南到處辜芳杜  
海上先秋薦荔枝  
明月每勞燕市夢  
白雲遙寄越鄉思  
山靈暫爾留旌節  
獨立西風賦武夷

送宋行人進之使太原潼關諸郡

高城拂曙亂鴉啼  
別酒臨風征馬嘶  
使節天邊雲渺渺  
王程春暮草萋萋  
河南去晉山斷紫  
塞西連秦樹低

宋玉三秋還有賦誰同華嶽一攀躋

夜餞周時隆表兄東歸

弟兄此別重傷神况復淹留一病身  
白髮相看偏墮淚清樽纔罷轉愁人  
江鴻北轉燕山夜河柳東連魯甸春  
若到鄉關逢故老為言遊子倦風塵

送何進士振卿謫樂平少尹

都亭同醉采芳菲別後關山夢不違  
平野北看燕樹斷大江西去楚帆飛  
百花洲上還聞鴈五老峯頭獨振衣

勝地且留何遜賦春風應見賈生歸

送白戶曹貞甫之三河

御河春草纔傾蓋驛道炎風復送君  
候騎遲留今日醉  
美人消息幾時聞孤城北向天門  
近三水東流地脉分  
漸老江州白司馬建章回首隔重雲

秋夜過吳職方子有宅

鳳城西畔獨尋君無奈寒蛩坐裏聞  
燈下旅愁驚老至  
天涯秋興醉宵分禁鐘隱隱來深院  
海月微微出斷雲

綠酒黃花知有約不辭風雨更論文

秋夜陳內翰子結第同孟得之對月有賦

陳遵投轄罄交歡池上酣吟並倚欄月到玉堂秋轉靜  
天迴瑤闕夜偏寒坐聽客子穿雲笛恍見仙人承露盤  
金馬明晨還待詔清光應憶此時看

秋集道院因同徐庫部子明醉賦

寄跡京華勝賞稀偶來仙院靜塵機明河倒影夜低戶  
涼露無聲秋滿衣銅漏滴殘人共醉玉笙吹斷鶴孤飛

空庭改席多幽興月落長安並馬歸

中秋無月同李子朱元美李于鱗比部賦得城

字

四野蒼茫雲霧生月華暗度鳳凰城樽前不辨銀河影  
樓外空傳玉笛聲鴻鴈清秋遊子意梧桐白露故園情  
謝莊欲賦還惆悵今夜關山何處明

寄洞庭山鄒子序

鴈書寄意三秋過龍劍藏靈兩地分舊日交游思共醉

他鄉風物感離羣  
笛中夜落關山月  
樓外天連海嶠雲  
老去相逢定悲愴  
吳歌對酒不堪聞

重陽夜感懷

月冷燕城斷旅魂  
廣庭風露坐來繁  
老將濁酒酬今夕  
秋到黃花憶故園  
多病淹留孤劍在  
當年遊好幾人存  
狂歌重此登高意  
滿眼浮雲不可論

送顧汝修歸上海

千里飛霜葉下初  
知君回首憶鱸魚  
潮生瓜步移孤櫂

路轉吳淞是舊廬  
海上白雲秋不斷  
天南明月夜何如  
梅花歲暮應攀折  
驛使相逢有報書

邊警

太白秋高峰火驚羽書飛  
下晉陽城沙場風急來邊馬  
亭障雲深出漢旌  
戰守何人能仗策  
朝廷今日始言兵  
懸知駕馭還多術  
早晚親臨細柳營

宿榆林驛

寒夜榆林門獨開  
愁看霜露滿蒼苔  
驛燈孤照征人夢

邊月高懸落鴈哀  
冒頓幾窺青海戍  
烽煙又上白登臺  
當年李廣空遺恨  
蕭颯天風正北來

望雲中塞

幾年欲向塞門遊  
北渡桑乾重旅愁  
畫角悲涼孤館夜  
黃榆搖落九邊秋  
壯心未擲班生筆  
浪跡堪憐季子裘  
回首江湖任鷗鳥  
謾嗟華髮滯燕州

送李郎中子朱出守東昌

丹鳳城南祖席開  
使君行色曉星催  
薊門旌旆乘空下



海岱風雲入郡來，退食還披龔遂傳。  
振衣應上魯連臺，東方彫弊非當日。  
獨為蒼生賦七哀。

馮郡丞汝言入計暫還海口吳郎中峻伯沈叅軍  
子剛出餞同賦得山字

歲暮長安送客還，驛亭疎柳不堪攀。  
星輶欲發仍呼酒，春草相期一解顏。  
陌上清霜迎劍舄，笛中明月動關山。  
海門凍合三吳舫，此日馮唐鬢易班。

立春日與周一之文德承李時明馬懷玉集李伯

承館時還宰新喻得天字

禁苑高樓動霽煙  
玉盤生菜感流年  
吳歌晚聚江南客  
鄒律春回冀北天  
久別共嗟饒素髮  
相逢能醉幾芳筵  
柳條漸長應攀折  
又向官河送楚船

送符主簿之蜀

陌上離歌仍把袂  
樽前芳草惜離羣  
逶迤獨馬乘春去  
斷續清猿入夜聞  
錦水東搖三峽月  
蜀天西盡萬山雲  
官遊莫惜梅花信  
歲暮長安定憶君

和人金陵春日感興

吳客風流似季鷹  
鍾山佳麗興堪乘  
高臺鳳去還臨眺  
勝地龍蟠幾廢興  
九陌晴雲通玉闕  
三江春水抱金陵  
莫愁何處歌楊柳  
獨聽黃鸝思不勝

送朱明府仲開謫平樂教授

黃鳥鳴時別禁園  
宦情南去復誰論  
鄭虔此日聊詩句  
陶令何年共酒樽  
秋到百蠻思北鴈  
雲迷三楚望中原  
滄江寂寞芙蓉老  
官舍長歌獨閉門

天寧寺同章景南李于鱗王元美餞別李伯承還  
宰新喻得春字

野寺門前楊柳新一樽同此駐征輪  
西山物候仍餘雪南國芳菲更有春  
楚櫂正逢歸塞鴈淮雲遙送渡江人  
他時陶令應相憶不待秋霜下綠蘋

寒食夜感懷

帝里年華重旅愁幾迴清夢到滄洲  
看花多病虛寒食秉燭何人共夜遊  
鄉思轉添春過鴈劍歌初斷月當樓

梨園舊侶今零落天際黃河空自流

送采道夫下第歸上黨

早歲名成庾信流春風走馬向燕州壯心對酒惟長劍  
華髮論文一敝裘落日寒生楊柳陌亂雲晴繞鳳凰樓  
聖朝何事淹才子歸卧青山復幾秋

送許克之下第歸歷城

獨馬遲遲春尚寒曉衝疎雨出長安白雲又伴山中卧  
芳草誰同湖上看不負才名須狗監豈容生事老漁竿

壯遊共擬磨崖賦海岱秋高木葉丹

送烏鼠山人胡世甫西歸

愁中忽過薊門春歸騎蕭條復向秦白首全生逢聖主  
青山何意見騷人隴雲朝度鄉關近渭水晴分草樹新  
自是揚雄多著述百年寧負舊綸巾

寄陳潮州

不見元龍重倚樓遙看天畔碧雲流東方紫馬嘶何處  
南服蒼生繫此憂海氣鬱蒸長似夏蠻烟蒼莽獨宜秋

鳳凰山下相思樹攀折還能寄舊遊

潮陽有相思樹

又得寒字

出郭乘時父老歡頻年稼穡問艱難邊烽自不虛龍劍  
客禮誰能重鵷冠地合千松山更秀天垂片雨日多寒  
秋來逸興今朝醉老去新詩異代看

秋夜同李明府子充登圓通閣兼示懶上人

清秋風物興堪乘傑閣凌雲共此登自謂官輕隨曠達  
不令人妬見才能披襟氣爽中宵露俯檻星搖下界燈

何處招提可遊眺萬山形勝幾詩僧

寄懷李藩相子成

早歲飄然別楚關知君古道宦遊間  
能求馬首計何遠不妬蛾眉心自閒  
河朔曉霜明一劍鄴西秋色老千山  
徐陳彫喪應多感獨摘黃花解醉顏

園亭秋雨李之茂惠酒

聖代逍遙一角巾西來况爾識予真  
園扉半掩琴書靜庭樹相依鳥雀馴  
荒徑自憐苔色古白衣寧待菊花晨



天涯風雨聊成醉，坐惜銜泥送酒人。

夢吳人張德良同泛揚子江，偶得一聯黃蘆港外。  
羣峯出青石灘頭，獨鶴鳴醒而足之。

不見詞人憶舊盟，清秋夢到闔閭城。黃蘆港外羣峯出，  
青石灘頭獨鶴鳴。共傍江湖存逸氣，自憐萍梗寄浮生。  
一樽忽罷仍南北，落月空梁無限情。

九日齊明府思欽見過

天涯節序酒樽空，扶杖登高索寞中。旅鴈一聲辭朔塞，

寒砧幾處亂西風  
今嗟白首親朋隔  
舊采黃花兒女同  
慰我羈懷有陶令  
非關秋色過籬東

次潘國主對菊韻用述鄙懷

長缺無聲食有魚  
門前倚杖鴈來初  
身遠故國頻勞夢  
力到衰年尚著書  
客子欲傾天上酒  
園丁還摘雨中蔬  
因思寄傲陶彭澤  
坐對秋花白露餘

答宋鴻臚仁甫寄書

登高曾約帝京樓  
九日黃花各自秋  
明月相關今夜夢

白雲同寄故園愁  
征夫塞上功何晚  
代馬霜前嘶未休  
官舍寂寥應撫劍  
更將尺素問淹留

雪中感懷

客懷無定幾晴陰  
晉俗那知半古今  
孤館勁風翻積雪  
千松寒色隱危岑  
鏡垂鶴髮嗟年老  
劍養龍精動夜深  
昨向庭前驅鬬雀  
解紛還似魯連心

天教強健老年身  
自覺詩成調轉新  
三晉關河無旅鴈  
萬家風雪幾愁人  
樽中醴酒堪懷古  
笛裏梅花未是春

形勝肯淹青玉杖乾坤何愧白綸巾

季冬十五夜蝕集雲階雲澗書齋

騷雅于今伯仲知坐談深夜緩清卮雪凝苔砌光逾淨  
水凍蓮壺漏轉遲聚散老懷聊共醉浮沉世事總難期  
眼前皓魄翻多感一誦盧仝月蝕詩

初春夜過西池書齋留酌賦得鍾字

燕臺故事老年蹤楚調狂歌聖代容乘興西來秋草徧  
憑高北望暮雲重自疎客計閒長缺幾向王門駐短筇

春酒淹留何限意滿城華月夜深鍾

得周學憲子才書并石刻詩以志謝

辛甲封疆探勝還雲蘿猶憶共躋攀坐憐同調繁聲外  
老愧齊名片石間鶴髮鄉愁惟綠酒馬頭春色幾青山  
太原有約堪乘興莫使東風花鳥閒

同敏軒昆季賦得登城樓望五龍山

松杪龍山縱目時龍精長寄萬松枝煙嵐忽動遙堪挹  
風雨頻來暗有期半世客懷聊此醉千年帝力豈予知

高城倚仗空幽興安得巖樓日賦詩

西池園賞芍藥

王門設宴款應徐紅藥相鮮映廣除地簇晚芳羣蝶下  
天留春色萬花餘願將繡幕通宵護詎使清樽半日虛  
共醉瓊樓重吟賞莫言玄圃是仙居

栗道甫夜過送別

茅屋茶煙待客時山中別駕暮相期共逢昭代耽佳句  
自笑殘年費苦思入夜星河林鳥定先秋風露草蟲知

坐談漸轉南樓月不盡離懷歸去遲

送張明府召和之邊

蒼茫野色度旌旗平子乘驂西去時  
荒草乍經多事地高秋更賦幾愁詩  
黃塵風靜周畿甸紫塞雲屯漢虎貔  
不信賞功貧郡邑封章擬報聖王知

漳河秋漲候渡因憶李通政仲西

萬折漳河過鄴城洪濤動地幾時平  
沙邊鶴鶴仍求飽霜後魚龍始見清  
遙憶君家臨古渡更堪旅思聽寒聲

杖藜自惜徘徊影不逐東流寄此情

寄上瀋王殿下

遙憶池臺叢桂芬豈堪風俗寄河汾  
路通萬樹偏秋色城隔千山更暮雲  
明月每馳天外夢寒砧不比鄴中聞  
西來知遇嗟衰老別館孤燈坐夜分

憶茅山兼寄黃淳夫逸人

秣陵佳氣日氤氲句曲逍遙鸞鶴羣  
諸洞藏真開石髓三峯拔秀出江雲  
松間月掛清秋影天上星羅太古文



早晚黃生換仙骨相期南去訪茅君

過朱道甫留酌分得秋字

為愛君才王勃流樽前相對賦高秋  
關山回首偏多路風雨驚心各一樓  
老去自知能放達古來誰不重交游  
匣中寶劍藏靈異莫使龍光天外浮

送王大參明甫之秦中兼寄張方伯子文

島夷能禦待論功歌起漁樵吳會同  
兵甲威名懸海上旌旄行色入關中  
金城遠抱山河地寶氣猶存秦漢宮

君見張衡正秋興三峯欲賦雨爭雄

送別張僉憲肖甫之潁州兼憶徐太守子與

浮雲薊北嘆相違舊社詞人各是非  
謫後兩遷心事定醉中多賦宦情微  
黃花含笑孤秋色白鴈離羣幾夕暉  
潁上有懷徐幹遠建安風調邇來稀

送別吳景伯李光卿吳子哲三考官

太原城外感離羣消息從今不易聞  
旅鴈翩翩翻乘朔氣秋風寂寞向斜曛  
祗緣俎豆他鄉合漫賦山河別路分

楚客西歸渺相望天連劒閣萬重雲

秋夜同吳方伯子有孟廉憲存甫馮大參汝言周

學憲子才遊東寺

詞人薄暮集東林碧殿風飄鍾磬音遊宦莫嗟間日少  
談禪聊坐法雲深天回河漢餘秋興月在松蘿清客心  
聖代經綸罷蓮社黃花相對且長吟

春日登伏牛山遙望秦中因憶栗士學馮汝言二  
方伯李廷實大參莫子良廉憲姜宗孝紀恒甫

二憲副

伏牛形勝鬱嶙峋二月風光客興新  
半嶺夕陽惟照雪千松寒色不知春  
連山勢全雄晉地轉河流遠界秦  
寄語關中幾遊宦虞卿祇是著書人

同鄉程子賓丁卯春以廣東大叅擢山右廉憲及  
夏仍轉廣東右方伯戊辰春罷官北歸兩年之  
間徃復萬里殊為可嘆賦此寄懷

二十年前尚寶卿一官萬里去來程  
海天欲盡東南地

鄉國遙懸旦暮情  
鷗鳥斜陽隨野釣  
杏花微雨促春耕  
翻嫌薇省殊多事  
舊侶相過幾送迎

送蕭逸人歸永豐

久客天涯鬢欲皤  
西江歸去一漁蓑  
香鑪峯外煙雲合  
石鼓潭邊雷雨多  
素月三秋黃鶴夢  
清風千古紫芝歌  
山窓幽寂誰相伴  
隨意鳴琴向薜蘿

春柳

黃鸝時復喚春遊  
陌上楊花漫不休  
幾向離筵搖落日

莫教長笛動清秋  
輕煙直接都門外  
細雨低臨灞水頭  
謾繫王孫金絡馬  
萋萋綠草有人愁

春宮詞

長信宮中芳草生  
晚風獨立正含情  
時顰柳葉聽龍駕  
誰隔桃花吸鳳笙  
金屋半開春寂寞  
珠簾不動月分明  
燒殘蠟炬虛長夜  
遮莫同心結未成

暮春有感

世故悠悠鬢易華  
歲時多病轉堪嗟  
小園春上蘼蕪色

古道風吹楊柳花黃鳥獨鳴紛旅思白雲無定寄生涯  
狂歌忽憶當年事月滿長安醉酒家

秋暮書懷

木落風高萬壑哀山川縱目一登臺夕陽滿地漁樵散  
秋水連天鴻鴈來白髮無情淹歲月黃花有意照樽罍  
西園公子虛陳迹詞客于今說愛才

贈劉羽士

一出樊籠萬事違滿天風送薜蘿衣青藜杖外煙霞色

金液方中造化機窮海泛舟蛟自避深山採藥鶴同歸  
知君已有僊人骨應待王喬汗漫飛

中秋宴集

滿空華月好登樓坐倚高寒攬翠裘江漢先翻千里雪  
桂花香動萬山秋黃龍塞上征夫淚丹鳳城中少婦愁  
詞客共耽今夜酒謾彈瑤瑟唱伊州

暮雨

忽漫濃雲西北生斜風驟雨入重城大川波動魚龍氣



空谷雷搜水石精  
阮籍感時心獨苦  
杜陵憂國意難平  
萬家暝色孤燈外  
彈劍長歌此夜情

同潭公登望湖亭

孤亭縹緲碧天空  
巖壑長鳴萬樹風  
湖色微茫秋草外  
山光黯澹暮煙中  
靜緣老去逢禪侶  
生計年來擬釣翁  
莫訝疎狂詞賦客  
滄洲白鳥自相同

答夏良臣見寄

拾遺曾客錦官城  
獨擅當時大雅聲  
老我漳南還作賦

嗟君淮北久知名嚴霜苦雪松心古片月長江鶴夢清  
潦倒同懷不同醉天涯徒有報書情

湧金亭晚酌

亭在百門泉上

山亭下瞰碧潭空天際雲霞落鏡中千古神蛟吞夜月  
九臯靈鶴振秋風許由潁水心何逸莊叟濠梁意自同  
寄迹乾坤須縱酒不妨醉卧荻花叢

曹茂才希孟遷居

燈下書生山月斜夜深清夢到梅花樹頭黃鳥陽春巷

屋角青雲孝弟家  
自古人情多玉石  
即今世事幾龍蛇  
我來樽酒論騷雅  
簾捲中庭駐落霞

秋夜有感

老去生涯一短筇  
幾年河嶽寄行踪  
城邊瑟瑟高秋樹  
天外沉沉靜夜鐘  
風急沙洲移鸛雀  
雲深潭水護蛟龍  
邇來不見同心侶  
無奈狂歌阮嗣宗

望紫金山有作

隔河一帶碧嶙峋  
薄暮登臺望頻古  
洞深松歸老鶴

金山瑤草待幽人  
泉奔巨壑常風雨  
月傍高壇自鬼神  
丹侶有期應不負  
三花樹底醉長春

夜坐感懷寄徐文山

獨夜寒蟬鳴不休  
虛窓起坐憶南州  
山開薄霧來明月  
天送長風作冷秋  
華髮漸多驚老大  
壯懷無奈歎沉浮  
美人一別江關渺  
肯采芙蓉慰我愁

秋日懷弟

生涯憐汝自樵蘇  
時序驚心尚道途  
別後幾年兒女大

望中千里弟兄孤  
秋天落木愁多少  
夜雨殘燈夢有無  
遙想故園揮涕淚  
况聞寒鴈下江湖

朱僊鎮弔岳武穆

中原何幸見將軍  
一劍長驅萬馬羣  
戰伐功高天意在  
廟堂策定帝圖分  
只今營壘空秋月  
終古旌旗有暮雲  
遺恨幾多堤上柳  
冷風淒雨不堪聞

聞老兵談邊事

少小從軍老病侵  
鐵衣征戰歲年深  
天寒野火燒荒塞

月黑山精嘯古林千載干戈堪灑淚  
三秋笳鼓數驚心  
平沙亂草迷枯骨漢武窮兵怨至今

梁園春雪

二月都城凍不消雲黃地白思寥寥  
園林幸未舒桃萼  
風雪寧堪妬柳條欲觸曉寒尋野徑  
漫探春意過溪橋  
惠連留滯空詞賦梁孝同時想見招

題孟得之園竹

西風萬木正彫殘脩竹娟娟謾自看  
為愛清陰搖綺席

不教新笋上金盤  
色連淇澳秋霜淨  
聲徹瀟湘暮雨寒  
中有棲遲九苞鳳  
野雲長護碧琅玕

題王大佐侍御別業

野扉長掩石林幽  
林外寒溪汨汨流  
老鳳無心橫碧漢  
高雲何意落滄洲  
天王側席兵戈日  
柱史閒居草樹秋  
二十年來耽著述  
不知華髮為誰憂

送吳將軍北伐

連營鼙鼓送斜曛  
北伐應期霍冠軍  
鐵馬踏殘燕塞草

金戈揮斷朔方雲  
將材此日寧虛負  
邊事頻年不忍聞  
豪俠從來多慷慨  
幾人鍾鼎勒奇勲

中秋無月

不見青娥駕紫鸞  
孤樽愁思坐更闌  
山河莽莽迷瓊樹  
風雨冥冥失玉盤  
梁苑池臺空度夜  
漢家宮殿不勝寒  
欲知何處秋光好  
天柱峯頭試一看

送白子鍾南遊

廣陵南去水浮天  
楓葉蓼花秋正妍  
島嶼遙連三楚樹



風雲低逐九江船  
驛亭津閣好沽酒  
黃橘白魚寧惜錢  
汗漫直須窮勝絕  
子長高躅憶當年

暮秋憶馬立齋李後溪

落落商歌日幾迴  
世情聊把菊花杯  
斜陽又下嶺西去  
候鴈還從天北來  
宋玉此懷誰與會  
虞卿異代自同哀  
長安有客深知已  
潦倒漸非獻賦才

冬日寄酬李給事仲西

時謫天雄

烈風吹斷野桑枝  
雲外孤鴻北叫時  
雪滿山城驚歲暮

冰連河海得春遲幾年謫宦身多病獨夜悲歌鬢欲絲  
留滯天南憂思切夢飛青瑣月明知

林慮北園待李子周不至

北園臺榭雨晴初坐對羣峰澹自如四野暝煙飛白鳥  
半池秋水落紅蕖海天月近幽棲處石樹風生浩唱餘  
清夜放懷須酒伴隔林猶自聽來車

憶天壇山

目極天壇路渺茫往時高步采瓊芳白雲壑斷笙音度

紅葉林空酒氣香  
仙客並遊心自逸  
野猿一見意相忘  
醉呼童子收詩草  
月上千峰卧石牀

春日洹上過田深甫對酌

梁客才名康樂齊  
北來獻賦此幽棲  
春流迴合孤村外  
晚照蒼茫萬柳西  
煙浦橫舟閒把釣  
花臺對酒漫分題  
太行一望高無極  
相約登臨杖短藜

牡丹

洛下名花迥絕塵  
寶闌斜倚見風神  
香飄梁苑聚僊子

色壓漢宮無美人宿露暗侵芳骨冷曉霞低照靚妝新  
謝家祗解題紅藥此日狂吟醉好春

無題

楚女春心不自持月明誰唱竹枝詞瓊簪玉珥何顏色  
翠幕朱闌且歲時燕子樓空傷往事杜鵑花老負歸期  
江頭幾度風和雨轉覺湘靈瑟調悲

窓有蛛絲鏡有塵小樓岑寂坐傷神鴛鴦哺子空經眼  
桃李飛花不待人洛浦佳期孤皓月湘江幽怨寄青蘋

玉環舊日徒相贈腸斷歸鴻又一春

送金廣文少賁之長沙

前蜀中令

數卷孤琴非俗計短亭細柳是王程  
舊從彭澤懷陶令此日長沙弔賈生  
夜月子規鄉國夢春江杜若楚騷情  
碧湘門外風雲闊華髮無勞怨不平

寄南都盧涑西司業

鍾山靈秀一龍蟠太史南遊好縱觀  
揚子江橫天地合石頭城壓雪濤寒  
談經道氣空今古作賦心思入渺漫

千里有懷應北向鳳臺高倚碧雲端

答武進李宰元素惠六朝詩

故人送我六朝詩夜半燈前坐讀時清廟朱絃彈古調  
玉樓瓊樹發春姿共言蘇李傳騷雅那識曹劉是路岐  
極望江山增感慨長風吹鴈報君知

征夫歎

漠北單于射獵雲中都護擁旌旄征夫淚墮故鄉遠  
戍角聲悲寒月高絕塞冰霜侵劒戟陰山鬼火照蓬蒿

從來百戰輕生死獨倚轅門感二毛

千秋頌

平樂筵開冬月初天風吹鶴下前除山河萬古鍾元氣  
宮殿千秋倚太虛華日高輝龍袞上彩雲低度鳳笙餘  
稱觴不盡詞臣意東海壺公有報書

還家

二十餘年寄鄴城歸來誰不訝狂生白頭况帶風塵色  
青眼深知父老情共話江湖多故事自憐詞賦亦空名

仲宣踪跡猶無定遙指浮雲意未平

千秋頌上恒易趙殿下

殿閣祥雲繞鳳麟蟠桃特出薦佳辰詞林共仰天葩潤  
藝圃同瞻睿藻新招隱久虛青玉案論交先訪白綸巾  
仙胎未識金銀氣鶴算平分閬苑春

夏夜大雨寄懷崔駙馬懋仁

鄴王城外雨漫漫旅客驚心夏欲殘平地波濤吞道路  
極天雲霧失峰巒疎燈閃閃滄洲夕亂葦蕭蕭白鷺寒



遙想月明吹鳳管倚樓何處望長安

寄蔡春臺兵憲兼憶王鳳洲廉憲

兩守姑蘇何太勞君今海上擁旌旄龍騰地得三春雨  
鯨縮天收萬里濤歲稔不憂吳稅重時平謾學楚詞高  
陸機相近應同賦秋氣爭雄見二毛

寄門人王少海陸石虹二子因悼商洛山同賈於

鄴未幾病殂久淹旅櫬作詩諷之

叔牙義氣亦空聞帝里名交鄴下墳異土抱疴骸骨在

同鄉負德死生分逍遙燕市酣春色嗚咽洹流暗暮雲  
龍種徒能千里足鳳雛何用九苞文

寄錢蕪山員外

一官疎懶合丘樊遠近書生多在門白壁新知徒有識  
青雲舊侶半無存地通湖海三吳脉天造文章萬古源  
遙憶花橋春事過苔階鳥雀共寒暄

張嶺山廉憲晉陽以書見招因擢南京都憲不果

行賦此寄意

路出中原愜壯遊  
試看形勝舊皇州  
秣陵山抱連天起  
揚子波平蕩日流  
親友寄書通蜀舸  
朝廷息戰佩吳鉤  
鳳凰臺上仍相約  
共賦江南萬里秋

答朱醉石上舍見寄次來韻

同懷兩地曠交游  
特向汾陰問去留  
昭代應憐鸚鵡賦  
麗情莫訝鷓鴣裘  
幾經風雨人間路  
獨攬雲霞海上樓  
西隔太行書萬里  
杜蘅又老大江秋

寄江南李巽川許習盤二正郎兼憶張懷洲黃門

建業同官勞未休三吳有待稻花秋署郎各繫江湖念  
計吏相關風雨愁別意且須通白鴈老年祇合在滄洲  
邇來青瑣懸何事草疏深宵重倚樓

送孟方伯存甫之關中

鄴下相違復見君朔方勲業邇來聞兩遷薇省秦中路  
一望岷山寨上雲客思不堪聊出祖宦遊無定幾離羣  
東林尚憶談禪處月滿松庭共夜分

送李明府凌秋入覲

青雲舊侶別多時  
北去鳴珂是會期  
魏闕星辰連曉色  
漢廷鵷鷺肅朝儀  
九天春雪宮梅發  
萬戶晴煙御柳垂  
當代掄才重臺諫  
晉陽賢令巨源知

送紀太守明瑞入覲兼省親

縹緲雙旌向北飛  
遙看喜色動庭闈  
關中劒珮趨丹扆  
天上風雲護紫微  
策馬帝鄉成畫錦  
聽鶯客路換春衣  
太原父老應相望  
楊柳河橋立夕暉

冬夜尹明府遇夫宴集因憶何少卿治象梁憲副

公濟

天寒地主見情親  
雉堞參雲鴈塞鄰  
十載別懷今夜酒  
數莖短髮舊遊人  
雪庭照席輸明月  
凍樹垂花像早春  
遙憶二君尋白社  
方知歲暮有松筠

送趙太僕子仲入覲

流風出自趙平原  
曾訪叢臺舊迹存  
海內交游同白首  
天涯風雪一清樽  
幾瞻帝闕馳燕路  
千轉雲山到薊門  
春動上林聊寓目  
莫將邊事醉中論

申叅戎汝承歸自岢嵐喜而賦贈

岢嵐昨喜捷書聞一劒能驅鐵騎羣  
出塞成功先氣色當朝選將更風雲  
沙中走馬勞殘臘天外飛旌蕩夕曛  
共羨虬髯心且赤封侯不數漢將軍

題吳郎中溫叔山房

早辭京國風塵倦為愛山房泉壑重  
移榻夜深垂萬象登臺秋迥出千峯  
獨躋斑虎雲邊石半隱蒼龍雪後松  
燈下思君見奇絕忽驚春夢戍樓鐘

謝侍郎與德郊亭餞別

昔會燕臺今白頭東歸分袂倍離愁  
年華易改誰長健  
世路無窮客倦遊  
春雪糝糊荒嶺樹  
夕陽慘淡古邊樓  
此情欲寄滹沱水  
千折波聲尚北流

送太僕卿李鈍甫之滁州

旌旄拂曙搖行色  
太僕乘春別故居  
諫草不存名自著  
筆花常結夢何如  
西山雪月催成賦  
南國風雲待下車  
芳杜青時定相憶  
赤湖橋上寄雙魚



馮大叅汝言出餞臨汾驛留別

歸鴻不失洞庭羣  
樽酒天涯此別君  
殘歲冰霜仍道路  
早春書劍又河汾  
驛亭駐馬淹行色  
官柳啼鴉送落曛  
二十年來頻聚散  
那堪白首嘆浮雲

清明遊西園有感

客轉汾陽時禁煙  
太行雲渺故鄉天  
齊中一弟悲西壠  
鄴下諸兒走北阡  
桃李未花春氣晚  
河山獨賦老懷偏  
重來祇恐芳菲盡  
啼殺黃鸝空自憐

送張大叅汝任之浙中

汾陽贈別走詩筒  
帆度春流五兩風  
國計更堪征伐後  
人心多在去留中  
江分吳越青天合  
地豁東南滄海通

鴈宕飛泉舊遊處  
重看片雨下晴空

曾守河南  
被謫浙東

中秋夜集周時隆表兄宅有感

天涯對月幾團圓  
烏鵲翻枝棲未安  
兄弟共須今夕醉  
妻孥猶是異鄉看  
光流浩蕩千家白  
影落蒼茫二水寒  
仙桂花開秋正好  
不知人世有悲歡

登岱

絕頂登攀海日明  
下看蟻蛭隱孤城  
玉童不見雲霞渺  
丹侶相從杖屨輕  
漢石塵迷千古字  
秦松風起半天聲  
欲探靈異來遲暮  
自覺人間負此生

過楊子畏別業登樓同田深甫醉賦

遙望河流一縷微  
憑虛俯見亂鴉飛  
雲流檻外生寒色  
霞落樽中駐晚暉  
共賦高秋能不倦  
登樓後約恐長違  
仲宣老去隨萍梗  
湖海茫茫幾夢歸

夜集梁武選公濟園亭同何稽勲治象得秋字

問予東去欲何求  
日觀峯高獨勝遊  
離合此生能幾醉  
嘯歌今夕故相留  
庭前松桂偏宜月  
笛裏關山別是秋  
他日鳴珂還有意  
停雲時傍鳳城頭

同何治象梁公濟登會仙山

野菊迎霜猶自開  
漫乘幽興一追陪  
談玄更欲尋瑤草  
舉白聊須坐石苔  
落日半山松掩映  
閒雲滿地鶴徘徊  
仙人去後餘風景  
知有千年我輩來

春日懷馮汝言

岸幘行吟向落暉  
西原聊自采芳菲  
白駒轉眼浮生老  
黃鳥驚心舊侶違  
揚子風濤南望遠  
秣陵春信北來稀  
還思並馬漁陽路  
回首孤雲塞上飛

送汪谷受之京

幾度秋花君未歸  
風塵無倦鬢絲稀  
鄴城日久頻彈劍  
燕地寒多早授衣  
兵甲愁中生事薄  
江湖夢裏舊交違  
逢人自說黃山勝  
却憶松蘿靜掩扉

暮秋酬王元美見寄

仙郎久別聽征鴻  
兩地登高悵望同  
河嶽愁雲連趙北  
海天佳氣滿吳中  
老來避世家難定  
亂後悲秋賦轉工  
籬畔黃花應自惜  
一枝留取傲霜風

夜集陸道函官舍同丁子學張肖甫漫賦

烏鵲翻飛月滿城  
可堪漂泊旅魂驚  
三秋共賦嗟吾老  
四海論心見友生  
天轉明河分夜色  
風摧落木亂寒聲  
醉來擊筑高臺上  
燕趙悲歌自古情

暮秋郊行偶述

太行迢遞起蒼煙，淒斷鳴鴻倚杖前。  
南阻黃巾愁落日，東遊皂帽感當年。  
山城秋老行邊樹，河甸寒生戰後天。  
獨有王孫多俠氣，千金駿馬獵荒田。

除夕同顧聖甫宿漳河旅舍

故人同宿濁漳濱，冰底春聲近可聞。  
世事短長雙鬢改，歲華新舊一宵分。  
當庭古樹明殘雪，何處清鐘落斷雲。  
龍劍從來有離合，燈前把看七星文。

寄懷盧司業濬卿轉留都通政

旅鴈孤飛驚物候  
詞人相憶采蘭苔  
夢回金馬南雲斷  
愁傍銀臺北斗遙  
秋色幾看鍾阜樹  
寒聲還聽大江潮  
風騷六代誰為主  
潘陸冥冥不可招

夜酌吳明卿宅遲王元美不至得天字

君成楚賦已多傳  
嗟我風騷鬢颯然  
不厭疎狂同此夜  
還令意氣感他年  
明河倒掛長安樹  
新月低搖太液天  
虛左遲留待王子  
猶疑興盡剡溪船



送蹇武選子修使秦中便道還巴郡

都亭離宴對斜暉，萬里星軺歲暮歸。  
蜀嶺雲低迎畫錦，巴江草綠換春衣。  
天連上國書難達，山斷中原夢不違。  
南北嚴兵當此日，豈容常掩故園扉。

送張給事仲安擢蜀中叅政

暫停軒蓋離人醉，忽聽河橋去馬嘶。  
悵望那堪春草徧，勞歌不盡夕陽低。  
天開鳥道三秦外，地入蠻叢萬嶺西。  
抗疏只今憂轉切，幾迴清夢到金閨。

送蕭行人汝和還京兼答丘給事懋實見寄

柳花飛盡使車還  
肯向王程有醉顏  
海嶠春雲征戰裏  
河梁晚照別離間  
舊交青瑣每同賦  
老愧滄洲長自閒  
夢寐相逢論諫草  
不知身世隔關山

送郭山人次甫遊秦中

馬上吳歌壯爾行  
度關非是棄儒生  
黃金賸買新豐醉  
紅樹遙含故國情  
地出三峯雄陝服  
天分八水雜秦聲  
霸陵縱目多秋興  
日夕鷗飛蔓草平

北望有感寄梁公濟陳憲卿張子畏萬言卿四職  
方

直北雲霄幾度看燕京不異漢長安邊關飛檄黃塵慘  
吳越連兵白日寒畫策應知司馬重掄才轉見職方難  
古來久將功名定好向彤廷議築壇

送陳叅政汝忠還任太原

鄴城春酒共躋攀芳草相違一愴顏北極雲開燕道路  
中原天劃晉河山宦情獨感星霜下國計長憂戰伐間

後夜月明千里夢隨君西度馬陵關

吳給事明卿謫江西詩以寄之

瑣闥當日起才名忽訝春風萬里行  
河北書傳楊子路天南帆落豫章城  
騷人弔古非湘怨遷客悲秋自楚聲  
帝里舊遊今散盡浮雲回首獨含情

中秋夜衛河泛舟同王元美顧聖少醉賦

王郎乘舸下重灘相送清樽一盡歡  
客路艱虞知已在老年離合定期難  
月光初上孤帆落秋氣平分萬木寒

後夜登樓嘆圓缺回瞻北斗是長安

四溟集卷五

欽定四庫全書

四溟集卷六

明 謝榛 撰

七言律詩

送田戶曹子仁督餉秦中

幾年郎署見多籌  
西度函關得壯遊  
旗影極天開驛路  
劍光終夜照邊樓  
吳江百戰蒼生淚  
秦地長征白髮愁  
共道轉輸非舊日  
帝京遙望朔雲秋

送聖甫之巴東兼訊唐兵憲

凌霜走馬心獨雄  
囊底不嗟金錯空  
故事還應問楚老  
狂歌聊復隨巴童  
黃牛峽出曉帆外  
白帝城開春樹中  
憲府聽君一說劍  
當樽寒色來天風

寄石太守君采

驅馳國計久知難  
出守多勞感歲殘  
淮海一州寧卧治  
東南千舸正愁看  
石頭路斷雲何慘  
瓜步兵來水更寒  
赤子歸心冀遂事  
遙聞漁唱起江干



送張僉憲子用赴滇南兼訊李司封隆仲

旌旄飛去拂蠻煙  
萬里緘書不易傳  
對月幾臨滇水上  
悲秋非復楚江邊  
地偏今古無多雪  
春滿西南欲盡天  
遷客相逢莫辭醉  
異鄉梅柳嘆華年

汪子廷見過贈別

疎才實愧建安人  
茅屋頻過見爾真  
甘向清朝藏玉璞  
自知幽事在綸巾  
酒杯動落關山月  
詩篋能收海嶽春  
老病送君成一笑  
相看誰是葛天民

方戶曹兆行來自淮上夜話以贈

詞客為郎淮上遊  
楚城黃葉早驚秋  
戰雲不辨千帆色  
征馬偏生兩鬢愁  
澤國波濤平遠樹  
海天風雨暗層樓  
即今兵解聊堪醉  
飛輓南來擁帝州

送盧次樞赴留都謁陸儀部與繩

有客清狂倒角巾  
江湖未老報恩身  
夕陽滿地還驅馬  
秋水連天幾問津  
家在中原聞白鴈  
賦成南浦對青蘋  
仙郎共醉金陵酒  
不羨風流六代人

送武稚川使太和山

使星清曉發征鞍不憚冰霜行路難  
三楚勝遊當歲暮萬山深入正春寒  
中天氣動青霞館北斗光搖紫極壇  
祝罷還應覓瑤草歸來好獻主人看

初春酬龔憲副性之見寄

昨報襄陽使者過歸鴻雪後度關河  
遙知遊宦驚時序不惜緘書到薜蘿  
日出漢江春氣遠雲連楚樹曉陰多  
峴山誰與同臨眺羊祜碑前一浩歌

夏夜同李太守應乾廬山人次梗醉登郡閣賦得

秋字

共坐前除松色幽月臨虛閣澹初秋涼風自可山人意  
清夜堪從地主遊身後聲名吾且醉興來疎放老何求  
盧敖况是非凡侶天外閒雲任去留

九日寄魏順甫兼憶社中諸友

寂寞襟期對菊叢思君幾聽北來鴻暮雲遙度燕臺上  
秋色偏歸楚賦中兵罷龍荒餘殺氣笳鳴狐塞更悲風

羣才無那成脩阻此日登高悵不同

寄懷靳太守子魯

送君絲管急清商曾向都亭醉夕陽聚散幾年知鬢改  
聲名千里見才長淮西未得歸鴻鴈潁上猶思集鳳凰  
獨倚郡樓兵檄過亂雲寒色滿濠梁

姜宗孝應辟過鄴賦此用贈

當年雪月醉宵分十度梅花始見君巴蜀勝遊偏有賦  
東南多事豈堪聞江濤夕蕩金陵月山氣寒生劍閣雲

此去乘秋應上疏三吳好練水犀軍

送馬德甫罷官歸遼陽

天涯宦迹有浮沉  
薏苡誰知馬援心  
東去田園成老計  
西來風物起孤吟  
關城路斷秦雲渺  
海甸秋生遼水深  
莫向鄰翁談世事  
從教白首卧丹岑

寄白羊口裴萬戶兼訊陳兵憲

射獵遙知部伍閒  
少年聊復破愁顏  
奇功自出論兵外  
俠氣人看躍馬間  
日暮皂鵬盤朔漠  
天寒蒼兕吼西山

祭遵戰守無虛策擬待明光奏捷還

寄汪憲副伯陽

朔風吹鴈度幽州淒斷胡笳夜不休  
世事轉難仍獨立才名久著亦多憂  
移官北塞論功日返旆中林抱病秋  
定采黃花懷舊侶海天霜月一登樓

寄范方伯堯卿

別後星霜遠寄聲滇南何意念狂生  
千山不隔三秋夢片月高懸萬里情  
江海戰餘仍走檄漁樵業廢半知兵

秣陵形勝勞長望自古艱虞好著名

重九董戶部子才過鄴餞別北園賦得中字

上客論交樽酒空高臺送別劍歌雄半天白鴈登臨外  
九日黃花聚散中草樹西看淒晚照關山北去急秋風  
青雲各重功名念動說匡時有異同

送李別駕宗器北上

一樽聊醉濁河濱衰老同懷復幾人趙瑟離聲逢雨雪  
郢歌高興得陽春嚴程目送雙旌渺戰馬心懸萬戶貧



丹鳳城高天咫尺壯心時拂寶刀塵

讀侯二谷詩集

詞人來自永嘉東逸氣千篇浩不窮閉戶越吟知思苦  
登臺楚賦見才雄崖懸古木奇爭出磴落秋雲澹自同  
庾信即今誰並駕老夫長嘆倚天風

洛城夜雨柬趙太守德聰

建業當年驄馬遊島夷無定萬家愁心懸吳越嚴兵日  
身隔江淮抗疏秋耕稼可曾懷上谷艱難每自念中州

嵩雲昨夜來新雨四野蒼茫倚郡樓

遊嵩高山同莫子明

相約登攀興欲飛山風吹我薜蘿衣碑存漢代莓苔古  
地接周京氣色微二室仙蹤雲共渺三花靈種月交輝  
夜深談罷長生訣笙鶴猶疑天外歸

張丈宅飲至深夜因赴廼叔德徵之招言別

阿咸留客此同歡阮籍相招待夜闌城柝亂聲連巷動  
天河倒影傍人寒張燈歌舞虛賓席隔院風騷有鶻冠

莫訝到遲須劇飲明朝分手會期難

送范堯卿北渡黃河因東廼姪子宣

雲帆飛度大河流應念蕭條王粲樓  
近榻蛩蛩孤永夜隔河風雨共清秋  
疎才人訝成多病厚祿天教繫遠憂  
南北于今厭戎馬寧容小阮竹林遊

贈錢明府舜臣

潘令悲歌秋雨天遙聞戰伐聚江船  
才淹百里青雲後憂重三吳白髮先  
劒拂積塵星自動琴鳴流水月孤懸

回看北極長安道祖逖于今幾着鞭

秋集杜子奇園亭顧聖少同賦

辭官高卧故園秋  
亭榭常招枚馬儔  
老去襟期聊共賦  
醉來風物轉相留  
霜花簇簇明三徑  
煙樹蒼蒼暗一丘  
莫向梁園重懷古  
歌鍾淒斷使人愁

送羅侍御還巴東

遙聞柱史易投簪  
寒夜相逢動蜀吟  
萬里田園歸後計  
兩都烽火病中心  
櫂經巫峽雲根險  
家在巴江楓樹深

謾說草玄長閉戶千山春色壯登臨

吳子喬有弟從方士數年不歸因訪于梁宋間賦

此以贈

北來尋弟意何長梁沼孤鴻又夕陽消息難真悲道路  
飄零未定感星霜獨吟靈運三春草誰見初平萬石羊  
早晚相逢話丹訣洞庭回首樹蒼蒼

季夏有感

南風太狂吹樹柯愁催旅鬢鏡中皤炎天不雨徵求急

朔塞先秋戰伐多桑柘幾家存舊業煙霞何處有高歌  
少年應募千金賞昨日腰弓飛騎過

寄王蘇州

闔閭城外幾烽煙非復淮陽卧閣年坐嘯江山奇策定  
仰看星斗壯心懸石頭雲逐東征馬揚子波迴北餉船  
亂後不堪吳稅重行春海上問荒田

閒居張伊嗣見過

鄴都形勝帶衡漳風土相依即故鄉閒到白頭真是拙

醉逢青眼不知狂  
城雲無色日將暮  
離菊多花天有霜  
世故莫談心自遠  
隨君好去卧沙莊

送吳汝秀考績之京

車馬翩翩向北行  
郡齋馴鳥送離聲  
一官曾化秦風俗  
多事還憂漢甲兵  
上國浮雲秋黯澹  
西山爽氣夕分明  
天王况復垂衣日  
禮樂從今問魯生

夜過蘊公房訪鄒子序因憶廼舅吳子喬時寓大

梁

禪窓論舊思何窮雲月微明澹遠空客裏無眠驚落木  
老來多難感飛蓬兵連滄海書猶滯人隔黃河夢幾通  
逸氣看君真似舅可憐吳調各秋風

友人李元博杜約夫徐子靜陳石卿相繼淪沒悲  
感賦此

藥裏當窓歲月過其如老病哭人多徐陳已矣但衰草  
李杜茫然空逝波荒野暮煙迷悵望孤城秋氣動悲歌  
文章不共浮雲盡異日相傳竟幾何



送翟逸人之京兼寄張太史叔大

別來幾夢漢江干，瘦馬長驅道路難。  
行李三秋雲共遠，飄蓬千里歲將殘。  
黃金舊使燕臺重，白雪今知楚調寒。  
獨有高情張學士，故人北去好相看。

曉起

老去翻多惜子孫，朝來且復問鷄豚。  
杖藜何處堪頻往，詩草經年祇半存。  
白髮懶梳書在手，青苔不掃客過門。  
閒雲肯為山人住，好對西窓濁酒樽。

送張憲副一真赴鴈門

命駕南來懷落落揚旌北去路漫漫  
九秋紅葉行邊賦三晉青山戰後看  
狐塞風連笳鼓動鴈門霜擁甲兵寒  
應知父老多惆悵河內于今借寇難

對酒示五子

冰雪頻驚歲序過向平心事獨蹉跎  
貧欺老子疎狂在懶到兒曹感嘆多  
鴻鴈暮依沙岸草鳳凰時下玉山禾  
且傾陶令杯中物月白空庭一放歌

風雪過葉雲羽

風雪連朝城市閒  
敝衣行子獨愁顏  
亂聲獵獵搖千樹  
寒色茫茫失萬山  
事激眼前心自定  
名垂身後老相關  
尋君夜話聊杯酒  
不是王猷空擢還

元日武安野望有感

短褐衝寒一杖隨  
孤城雪後漫遊時  
愁經殘獵風何凜  
老得新年春却遲  
天外紫山晴自出  
谷中黃鳥暗相期  
今朝栢酒人多醉  
竚立斜陽獨賦詩

夜酌蘇子川舟中話別因憶乃弟子冲子長子新  
時寓都門

黃昏騎馬到河濱秉燭船窓此對君星斗無光天暗轉  
琴樽有興夜平分幽人暫別山中侶獨鴈還尋薊北羣  
明發輕帆時極目不知遙隔幾重雲

送曹太史一呈歸金壇

雙闕歸心春草後三吳回首夕陽西石頭樹隱搖鯨浪  
京口帆飛轉鶴溪天許碧山聊著述地鄰丹洞幾攀躋

茅君有約秋將暮月白楓林路不迷

秋日過方晦叔書院

蟬咽高枝秋滿城當軒松桂助幽情地開清沼月相映  
石作孤峯雲自生醉後轉多憂國思病來偏得著書名  
詎憑狗監吹噓力獻賦于今陋馬卿

鄭侍御元壽見過時謫深州

世事相論感慨深坐來庭樹動蕭森才堪經濟酬明主  
官到艱虞是好音白簡尚馳雙闕夢黃雲遙繫九邊心

京畿父老望驄馬莫為交游戀故林

暮秋夜登樓望西河有感

步屨河橋訪舊遊野情物色自遲留  
風林蕭颯喧清夜雲月迷茫失素秋  
元亮老看荒徑菊仲宣今倚故鄉樓  
吾生浪迹何時定獨對滄波愧白鷗

寄贈呂預所少冢宰

憶昔詞臣都下逢幾看秋色老芙蓉  
南歸讀禮蒼梧月北轉鳴珂紫禁鐘  
千里驚時聞旅鴈百年匡世見人龍

薦賢每助山公啟不使浮雲蔽九重

寄贈謝太東少司空

巴山倒壓洞庭波形勝相鄰賦幾何  
金闕風雲當代迥  
瑣闥章疏濟時多天垂南國分三楚  
地入中原會九河  
遙憶司空壯襟抱千年王氣鬱嵯峩

寄仇近漳別駕

廣平發軔抵皇州燕趙風光總勝遊  
宿露尚滋官柳色  
晴雲遠蕩御河流  
鶴通仙氣能中養  
龍抱天機不外求

况有憐才京兆尹西山相對賦高秋

寄懷馬蘭谷中翰

留意仙丹了大還鏡中豈鑷鬢毛斑  
絲綸每出能天語殿陛長趨近帝顏  
凌曉霜威高北塞滿空秋氣壓西山  
坐看飛檄應多感誰為橫戈虎豹關

寄鎮性禪師

草庭馴鶴傍誰飛雲鎖山房何日歸  
帝里寧教淹錫杖京塵猶恐上緇衣  
路通三晉音書杳雨隔諸天鐘磬微



却憶少林風雪夜一燈相對話禪機

寄贈方金湖中丞

今王神武重邊功鎮靜遙看節鉞雄  
薊北霜連兵氣外幕南春在政聲中  
天分兩地書難達路隔千山夢易通  
更憶楚才心獨壯何須搖落賦秋風

寄懷劉念庵兵憲時執所紀梧崗二太守

羣才相識北遊時上苑千花春雨垂  
帝里榮名同畫錦皆都下人宦途愁鬢各秋絲  
歸休日遠桑麻計登眺雲深猿

鶴期月下飛觴聊遣興倚樓誰復嘆盈虧

寄李近台侍御時督學北京

鰲頭磯下征帆發

臨清觀音嘴亦名鰲頭磯

魚腹書傳逝水沉摘賦

三秋堪寄興定交千里見知音廟廊自合經綸遠冠冕  
誰當雨露深上應文昌燕趙地朝端抗疏幾年心

寄王龍坡員外兼呈乃弟西堂少卿

憶昔論交梁苑秋晉陽春雪慰淹留白衣閱世吾多感  
黑髮為郎爾壯遊閭闔南開今漢闕河山北控古燕州

遙知伯仲相逢處為說窮途阮籍愁

寄黃質山徵君

古來詞客自悲秋江上斜陽正倚樓南望戰雲迷越徼  
北移王氣繞燕州幾家避亂偏多苦諸將成功各自謀  
今日黃生須獻賦千金寧復買吳鉤

寄上德平王南岑

別意相牽雨夢遙白蓮社冷復誰招病餘較懶心猶壯  
詩裏多窮氣不驕秋草放鷹隨僕從夕陽駐馬問漁樵

何時共賞龍山勝  
醉聽松風響洞簫

秋雨連綿南望洛陽因寄吳大理溫中承謝給事

劉兵憲呂太守詞丈

白首飄蓬來自西  
舊交南望感雲泥  
周南文物猶逢漢  
鄴下詞人久別齊  
河漲蛟龍秋怒轉  
雨昏烏鵲夜愁棲  
嵩峯暗落三花樹  
空約登攀去路迷

寄懷王郡丞叔純

暫閒官署得煙霞  
相對論心坐日斜  
鄴下佩刀應自壯

齊中彈劔更何嗟老飡古澗青松子君愛秋塘白藕花  
王謝風流今北轉高堂燕子是誰家

送潘左史和甫歸吳門

瓊筵祖餞惜君才別後吳吟日幾回坐看青山帆外轉  
更憐黃菊客邊開長江日動鼉鼉窟舊國霜飛麋鹿臺  
歸去逢人說帝子盛名却自險中來

寄贈李中丞子玉

節鉞經年頌未能路人爭說李中丞賢才幾訪吳枚乘

世事相論魏信陵  
愁見黃河秋盡雨  
坐憐赤子夜深燈  
帝京尚憶逢狂客  
驄馬翩翩興每乘

寄梁方伯乾吉

相別京華歲月遙  
雙林枉駕識仙標  
隔年投刺何疎懶  
抱病參禪正寂寥  
河北劍霜嗟暮景  
晉陽燈火憶春宵  
壯心莫道非王粲  
幾欲從軍看射鵰

渡黃河有感

晚渡黃河正素秋  
倚蓬聊爾問陽侯  
源從西極崑崙出

勢蕩中原瀚海收  
俯仰心神齊得喪  
往來身世共沉浮  
試看九曲風濤惡  
博望焉能見斗牛

陳主簿招飲署中因談宛陵之勝醉筆賦此

官署相招慰旅情  
東南形勝說宣城  
敬亭恍接三吳勢  
宛水猶馳六代聲  
憶昔詩流嗟我老  
隔江風景逼人清  
至今誰繼玄暉後  
莫笑狂夫負此生

謁漢光武原陵

龍飛白水兆中興  
天定滹沱十月冰  
半夜客星思漢室

千年王氣感原陵  
山靈松檟殊相護  
地勝樵蘇詎敢登  
試讀班彪王命論  
嵩峯依舊鬱峻嶒

丁明府陳主簿同謁原陵晚酌道院有感

漢陵謁罷命車行  
聊憇丹房待賦成  
綠酒黃花衰老興  
浮雲落日古今情  
狂夫欲駕蓬山鶴  
道士能吹緱嶺笙  
憶昔豪華總消歇  
北邙松柏起悲聲

重九前一日謝黃門仲川同酌溫中丞純甫宅賦

得風字



開樽預賞菊花叢正色全歸藻思中  
旅次孤懷逢勝事  
人間百感對秋風水衝伊闕雲根響  
山抱周京地勢雄  
明日登高誰共醉更將吳調命歌童

聞漢中兵憲王斯進討賊有功賦此寄贈

星子山頭殺氣生可憐蜀盜廢春耕  
皇天何意干戈擾  
人日多寒軍旅行檄出漢中  
鴉作陣角吹嶺上馬嘶聲  
誰知緩急兵家術八月鏡歌返旆旌

溫純甫宅同諸詞丈夜集得池字

為賡白雪郢中詞坐久寒生風露時  
萬菊繞筵秋不老  
幾人耽酒月偏遲懷同曠逸山雲度道在行藏野鶴知  
應惜衰年薦仙味西來碧藕自瑤池

即席次劉子禮登高韻

西風吹鴈下河洲坐感頽年聚舊游  
撫景獨慙今日賦  
遣懷何異故鄉樓塵中浪迹陪高宴籬下黃花笑白頭  
京洛層城試登覽疎雲慘澹數峯秋

寄懷西谷主人

隱耕園在  
鄴城北

上黨歸來獨憶君野亭幽事每宵分荷池燭影遊魚蕩  
花院棊聲宿鳥聞漳水遠通千里脉洛城高壓萬山雲  
于今南北殊脩阻回首長吟又落曛

寄謝子厚

思君逸興感衰殘幾欲登臨學謝安倚杖青山愁裏賦  
當樽黃菊病餘看清輝自可藏珠玉文彩誰應惜孔鸞  
皎月一天人兩地茫茫秋色不勝寒

嵩嶽天中閣同鮑洛陽鄧登封二君對雨

六十危峯佳氣連，共來山閣羽觴傳。  
興高自不妨秋雨，目極何當散暝煙。  
問法少林輕外物，探竒嵩嶽到中天。  
二君並着王喬舄，才思非凡骨已仙。

過周節推尚占因談嵩嶽之勝

伊洛尋真竟不逢，歸來對爾說仙蹤。  
兩遊洞壑情何劇，戊午歲初獨眺煙嵐翠。  
幾重庭樹月招緌，嶺鶴郡齋風遊嵩嶽

落少林鐘寧言何遜，觀梅興夢到三花。  
天外峯

洛下會王少叅朝望

銅臺舊識嘆離睽  
伊洛棠陰衆念齊  
世故無端逢客話  
宦情何事欲巖棲  
天將楚雨催帆驟  
風蕩秦雲逐馬低  
八載一遷春自感  
從教黃鳥向人啼

贈呂都督伯仁

禦寇論功憶昔年  
又從揚子駕樓船  
塞門列陣山雲合  
幕府聽笳海月懸  
仗劍獨臨龍虎地  
登臺長嘯鳳凰天  
于今未老歸詩社  
祇遣兒曹辦酒錢

劉太守以德之大梁予將赴潞安賦此言別

西署為郎已著名分符歲暮此專城肯孤上黨緘書意  
為寄南州下榻情長路風威嘶五馬大河日影曳雙旌  
梁園公子如相問著述應憐老未成

李冬法祥寺吳大理張總督溫中丞謝黃門劉兵  
憲荀員外昌都督呂池州方東昌諸詞丈餞別  
有賦

香山遙望白雲屯九老行藏未定論為客自知生事懶  
感時誰更壯心存河橋寒色分千里野寺斜陽共一樽

黃鳥鳴春向何處美人相憶採芳蓀

楊郡丞伯寅張別駕威仲寺中餞別周節推尚占  
之大梁未旋悵然賦此

雙林行色夕陽催幾日相逢祖席開周漢兩朝題不盡  
河嵩獨覽倦方面塵中老計嗟浮梗笛裏春聲怨落梅  
更念法曹征旆遠菟園何事未歸來

劉節推行可尚寶仕可出餞郭外賦此志別

杯酒蒼忙強自吟江淹能賦別時心綠波春草魂猶斷

白首寒天感益深  
布澤二龍周海宇  
棲間孤鶴老山林  
誰知多病仍飄泊  
雨雪愁人幾暮陰

贈別武克仁

八十神全步履輕  
自嗟七十負平生  
紫芝採得間中事  
白鶴飛來靜裏聲  
多少光陰仍浪迹  
古今著述總浮名  
問君可授延年術  
九轉丹砂未易成

送客遊洞庭湖

相逢楚客問巴州  
此去揚帆湖上遊  
天漢長連洞庭水



雲霞半入岳陽樓，低空白鴈投寒渚。  
隔浦丹楓照暮秋，莫向湘君聽鼓瑟。  
黃陵月冷不勝愁。

喜黃實甫至留酌

自別梁園歲幾徂，故人消息斷江湖。  
相逢白鬢知多少，一醉黃金問有無。  
地接邊關秋氣早，樹翻烏鵲月明孤。  
向來離合殊難定，猶向天涯說壯圖。

立秋先一夜同吳峻伯孫文揆徐汝思李于鱗王  
元美五比部登城得秋字

幾年詞客鳳城遊  
薊北河山共倚樓  
清夜桂樽聊對月  
明朝蓬鬢又驚秋  
風飄玉笛淒初斷  
天轉銀河倒欲流  
遙憶故園砧杵動  
梧桐一葉起人愁

送龔侍御性之赴南都

萬里天風吹鐵冠  
三吳秋水正漫漫  
匣中星動劒光白  
帆外霜飛江色寒  
鴻鴈早傳瓜步信  
芙蓉還傍石城看  
南都賦就應相憶  
明月孤樽坐夜闌

為盧梅賦呈內臺比部大理諸公

黎陽河水咽寒聲詞客淒涼氣未平  
白首纔傳鸚鵡賦  
青天遙望鳳凰城  
夏臺久待秋雲破  
春雨還看枯草生  
獨有酈炎同此恨  
憐才復見古人情

夜集吳比部鳴仲宅賦得秋月

庭草驚秋白露垂  
冰輪漸覺度河遲  
光臨鳳闕清鐘斷  
寒入龍庭畫角悲  
天際幾看鴻鴈影  
山中又老桂花枝  
共知庾亮南樓夜  
曾為勲名感鬢絲

登導化閣

凌虛樓閣鬱崔嵬四望青山宿霧開日上海關邊色盡  
天連沙漠鴈聲來仲宣賦就千年事張載銘成一代才  
懷古不堪空佇立秋風吹鬢放歌回

登五峯山有感

樹杪躋攀石磴懸手扶藜杖出風煙東分遼海千重嶺  
北盡沙場萬里天秋草征夫烽堠外夕陽歸鳥戍樓邊  
時看白骨成悲感為憶嫖姚戰伐年

夾山寺

黎河路轉入煙霞為訪連峯衲子家萬古山靈開白馬

三秋石窟閉青蛇

山有大青  
小青二蛇

曇雲不作空中雨祇樹還

生象外花欲共虛堂留此夜燈前仍復演三車

### 夜同劉都閫諸君登薊州城樓

新月低空照素秋將軍乘暇共登樓談兵醉後誰能事

舞劍燈前此壯遊孤角風從燕塞起千山雲傍薊城流

應知北伐收功日復見當年博陸侯

霍光封博  
陸即此處

### 酌沈太守汝石宅值雨

孤城有客駐征鞍下榻今宵重鵷冠  
疊嶂煙雲當戶暝老槐風雨逼人寒  
開樽最喜天涯合為郡偏憂塞上難  
自信隱侯籌策定肯教雙鬢嘆凋殘

八月十六日予歸自漁陽值北兵犯京時周一之

在安州作此懷之

易水東流朔鴈飛孤城阻絕幾斜暉  
共憂鐵馬書難達應訝漁陽人未歸  
大野暝煙沉漢壘亂山秋雨滯戎衣  
即今世事堪盃酒與爾江南訪釣磯

暮秋柬沈參軍禹文

參軍逸氣佩吳鉤  
烽火驚心又暮秋  
亂後登臨仍有賦  
望中風景獨深愁  
邊隅樹色空軍壘  
東北笳聲斷戍樓  
應惜中原多猛士  
幾人相見話封侯

送欒進士孔原使宣大

燕甸蒼茫乘曉發  
漢旌縹緲隔河看  
居庸北去天霜下  
碣石東臨海日寒  
八月邊聲驅戰馬  
孤城秋色老材官  
憑君一問雲中將  
此日方知報國難

送張戶曹茂參募兵真定諸郡

人辭京國黃塵外  
霜落滹沱白鴈前  
驛騎先飛秋草路  
使旌高捲夕陽天  
欲招遊俠傾三輔  
擬見驅馳靜九邊  
班固爲郎寧久滯  
還期北去勒燕然

送計庫部允卿募兵山東

京甸秋高羽檄馳  
可憐萬姓半瘡痍  
當朝遣使憂方切  
募士防邊計未遲  
山氣作寒侵道路  
海風吹雪上旌旗  
齊中還訪穰苴輩  
推轂論功正此時



送萬少叅茂卿還任山東

亂後相逢復幾朝，使君行色動河橋。  
宦情千里清樽盡，國計頻年白髮饒。  
驛道書通秋塞鴈，海門帆度夕陽潮。  
魯連意氣須今日，此去齊城可更招。

秋夜有感

涼宵力疾步莓苔，欲賦高秋愧楚才。  
白髮祇緣人事老，黃花偏傍客愁開。  
樽前獨坐星河轉，燈下悲歌風雨來。  
還憶重陽離亂後，故園惆悵一登臺。

夜集應員外瑞伯宅聞吳山人子充談匡廬之勝

得山字

吳楚遨遊鬢已斑對人猶自說廬山九江形勝來樽外  
五老雲霞生座間古洞月明今夜夢滿天秋色幾時攀  
何如早結東林社瀑布聲中任往還

送朱叅政之豫章

落落才名三十年宦途華髮轉堪憐獨辭上國星隨馬  
四渡西江月滿船湘鴈晚低彭蠡澤楚雲春澹豫章天

定知豐劍歸君後遙望長安北斗邊

送毛明府伯祥之羊城

君今初捧郎官檄此去羊城道路賒  
海上有雲連蜃氣嶺南無雪到梅花  
行春策馬青山近退食鳴琴白日斜  
回首風塵迷北望幾逢燕使問京華

寒夜寄秦給事順甫

歲華冉冉頻彈缺秋色冥冥獨倚闌  
倦客吟成山月墮征鴻過盡海天寒  
燕關寄迹還東下烽戍驚心幾北看

聞道故園青瑣客憂時雙鬢坐凋殘

送趙汝中歸坦曲

天涯作客空成賦歲杪還家未拜官到日音書仍北寄  
別時風物重西看雲迷燕趙千山暮雪滿關河一騎寒  
樽酒相期春草綠好聽鴻鴈度長安

范子宣見過

世情滿眼殊未定之子相逢可共論自是勝遊疎客計  
非關浪迹久都門雪中坐索梅花賦月下還開竹葉樽

更約揚帆下春水三江南去訪桃源

送王理卿歸平原

春來三日君即歸長安陌上車塵飛  
滄洲有約自知晚白鴈多情相見稀  
千里還應嘆萍梗一樽誰更采芳菲  
平原舊侶論心處肯向天邊望少微

程侍御信夫至因話關中之勝

為問三秦驄馬使獨探形勝故遲回  
雲扶華嶽中天起地轉黃河西極來  
秋草空迷長樂苑夕陽猶傍集靈臺

漢家千載論封禪應惜文園作賦才

冬夜同宣允則集徐進士子與宅

城上烏啼春雪餘滿庭寒色月來初病當歲晚心方切  
老向天涯計轉疎湖海相知今夜酒風塵一別幾年書  
可堪京國多烽火王粲誰憐未定居

雪夜集吳進士明可宅候李給事元樹吳進士子  
修不至得樓字

黃雲黯澹低神州風雪晚來殊未休春色連天變老樹

寒光奪月明高樓初成謝賦此時興還聽郢歌中夜留  
二妙不來更秉燭笛聲淒斷梅花愁

除夕吳子充周一之文德承李時明方信之王希  
舜集旅寓有感

一年憂喜今宵過兩鬢風霜明日新書劍自憐多病客  
江湖同是放歌人宮中燭映西山雪笛裏梅傳上國春  
他日聽鶯懷舊侶不知誰共醉芳晨

人日過吳郎中峻伯第時將使豫章得西字

餘寒薄暮重淒淒城上青山望欲迷人日正逢燕雪後  
使星遙動楚天西寧辭取醉留官舍更約尋春過御隄  
何限柳條縈別思江城南去亂鶯啼

初春夜同沈子文梁公實薛思素進士宗子相比  
部賦得聲字

雪盡長風吹禁城梅花零落此時情關河月暗迷鴻影  
宮殿春寒澀漏聲亂後騷人同百感年來壯士苦長征  
樽前莫話邊庭事彈劍悲歌氣未平



送沈郎中宗周出守順慶

明星當戶動征鞍  
此去春光道路看  
巴子地形天外轉  
嘉陵江色郡中寒  
三秋戰伐掄才急  
四海誅求出牧難  
沈約未須裁八詠  
倚樓時復望長安

春夜張憲副叔載宅餞別趙憲使子後赴大梁得  
游字

春宵殘月轉西樓  
醉聽琴聲別鶴愁  
宦迹更堪燕市別  
才名不負兔園游  
中原赤子心仍切  
北塞黃雲戰未休

華髮應嗟勲業晚行看擊楫大河流

送劉水部致卿出守嘉興

孤館別懷聊對酒雙旌行色復催人馬嘶燕甸纔芳草  
帆到江城已暮春作賦水曹非往日垂衣天子念征塵  
三吳彫弊多憂思不待秋風白髮新

送林比部章之使南海

迢遞炎方數驛亭更憐天外九疑青織綃欲看鮫人室  
鼓瑟還逢帝子靈雨過羊城春浩浩雲連鯨海夕冥冥

看君飛櫂乘流去多少南冠問使星

送陸比部汝成使閩中

醉攀楊柳禁城東別後芳樽不可同日暮亂雲迷遠道  
天涯孤劍倚飛蓬任公臺瞰江流近大姥峯連海色空  
虞帝好生當此日遙知閩徼待春風

送經大理叔和使山東

使車乘曉出都門東去關河春色繁草徧王程馳白日  
花深官舍閉黃昏燈前獨檢于公傳海上還分孝婦冤

應待高秋登日觀滿山松桂一開樽

送莫憲副子良督學貴州

芳草都亭盡酒卮別來春夜重相思我憐華月孤舟遠  
人訝文星萬里遲巴國地連諸葛寨湘江雲度伏波祠  
江山自此增顏色漫向高秋獨賦詩

春日潞河舟中餞別莫子良吳峻伯徐汝思袁履  
善賦得樽字

自憐多病留京國復送羣才下薊門帆外夕陽催去鳥

水邊春草對離樽  
交游漸老天涯夢  
湖海難期醉後論  
不待江淹詞賦就  
纔臨南浦自消魂

春日同李于鱗賈守準劉子成比部游南園得盃  
字

花到清明滿樹開  
三春幽興此池臺  
風光何必論金谷  
世事聊須醉玉盃  
一望青山雲縹緲  
數聲黃鳥客徘徊  
諸君有意看紅藥  
乘暇還應結馬來

青龍橋上有感

金匱山房詩集 卷六  
落落狂歌一阮公  
旗亭把酒送歸鴻  
湖光不定春風裏  
山氣偏多夕照中  
滿眼鶯花雙鬢改  
百年愁思幾人同  
邊庭李牧空遺跡  
此日誰論定遠功

送馮職方晉叙拜陵廟

明光初下早鶯啼  
野色晴開綠草齊  
曉樹度旌燕徼北  
春雲逐馬漢陵西  
山靈暫駐還堪賦  
天險遙看未易躋  
仗策須君清玉塞  
壯圖何日報金閨

春日即事

和我共擬靜邊聲  
抗疏誰當悉敵情  
燕地去秋曾幾戰  
漢家今日更多兵  
春城雨後寒逾重  
曙角風前怨未平  
直北煙塵時極目  
烏鵲飛入亞夫營

信夫宅

白首狂歌幾故知  
薊門風物正歸遲  
偶來一醉同今夕  
老去相看異往時  
上國久虛鴻鴈信  
東山還結薜蘿期  
因思絕代劉伶頌  
莫遣高秋宋玉悲

夏夜鄒叅政君哲宅同王客部道原得筵字

虛堂入夜敞高筵為寫幽懷向酒邊  
漢闕晴雲低抱樹海門涼月半浮天  
閭闔久頌中興日稅斂還逢北伐年  
丙魏匡時期不忝老夫長嘯五湖煙

夏日鄭園陪餞皇甫子循別駕同沈禹文叅軍元  
仰之給事王元美比部沈子文劉朝宗進士賦  
此

夏日園林積雨晴美人聊此駐行旌  
歌吟滿座皆吳調老病當筵自魯生  
花院涼風醒客思柳塘斜日亂蟬聲



來朝策馬炎風裏  
回首都門繫遠情

送御醫顧世安辭官歸上海

中歲辭官向薜蘿  
西風回首問兵戈  
鴈飛海徼寒雲斷  
帆落江城秋雨多  
欲采蘭花留楚賦  
還期樽酒聽吳歌  
辟疆自是林園主  
何日相尋杖屨過

送劉明府朝宗之瑞安

八月秋風吹帝京  
劒歌杯酒送君行  
烽傳九塞愁中報  
雲隔三吳望裏情  
江路迴連秣陵樹  
海帆飛度永嘉城

鳴琴尚憶天涯客莫待梅花始寄聲

秋夜李隆仲楊虛卿查性甫宗子相四吏部餞予

楊氏園亭

共醉芳園倒接羅古來詞客幾心知黃塵滿眼吾惆悵  
白髮交情此別離蟋蟀夜寒楊子宅芙蓉秋老習家池  
玉衡西轉燕歌罷猶自持觴問後期

十四夜即席呈應職方瑞伯因憶去秋是夕同瑞  
伯歸自盤山復酌潞陽官舍時北寇已走三河

慨然賦此

去年遙自薊城回  
曠逸堪憐越客才  
驛柳清秋還並轡  
潞河良夜坐傳杯  
青山別後邊烽起  
明月歌中塞馬來  
今夕相看感離亂  
西風吹雨不勝哀

十五夜集徐子與宅得光字

桂樹花開禁苑香  
月輪西轉更飛觴  
高歌自覺雲霄近  
佳會偏宜秋夜長  
塞下征夫悲獨影  
閨中思婦對清光  
人生苦樂何須道  
笛裏關山總斷腸

送徐鴻臚奉使兼還遼東

三載論交兩送君，更堪惆悵道塗分。  
離樽欲盡難成醉，去馬長嘶又失羣。  
玄菟城孤開曉日，黃龍塞遠斷秋雲。  
時平知我無東意，莫遣音書久不聞。

秋夜靈濟宮同薛朱二進士賦

皆閩中人

晚來騎馬過仙壇，寶笈靈文試一看。  
月度三花瑤殿靜，風吹獨鶴玉階寒。  
漫聞天籟知秋遠，共酌霞觴坐夜闌。  
會待他年遊汗漫，武夷相約訪還丹。

九日寄鄒子序

少小論交已白頭別來幽事負滄洲吳中舊侶惟君在  
江上青山重我愁竹葉漫傾孤館月菊花空老故園秋  
欲乘蘭櫂東歸去共息塵機對海鷗

送張少參子明還任山東

薊門撾鼓發樓船送別君侯南浦邊秋水晴分鴻鴈渚  
曉霜寒動菊花天東方賦斂嗟今日上國兵戈憶往年  
遙想四愁吟不盡鵲山湖上渺風烟

送許元復歸吳門

早歲才名猶獻賦，高秋鄉思故離羣。  
帆開野浦相看處，月照江城幾夢君。  
龍劍定知他日合，魚書莫遣隔年聞。  
洞庭山下三春酒，誰共長歌向白雲。

環山樓為劉封君賦

日上江樓紫翠開，憑闌四顧鬱崔嵬。  
晴雲低傍重簷合，秋色高從疊嶂來。  
老至應期弘景卧，賦成堪惜仲宣才。  
楚天黃鶴還飛下，誰共仙翁醉酒杯。

秋日東顧汝和中翰

為憶仙郎隔紫薇經時長訝報書稀月明綠酒幽期過  
秋老黃花勝賞違三殿星霜侵曉入九衢風雪帶寒歸  
知君何處還乘興車馬遙聽獨倚扉


皇甫水部道隆謫大梁詩以寄懷

聞君遙自楚天來一到梁園見賦才搖落舊曾悲屈宋  
寂寥今復弔鄒枚黃河蕩日寒聲轉嵩嶽連空遠色開  
何事弟兄俱謫宦西風愁對菊花杯

其兄子循  
謫開州

送方職方禹績使江南兼寄童侍御仲良

漢苑梅花客興新不堪杯酒送征輪  
朔庭戰馬今猶急南國蒼生日轉貧  
古道飛霜寒拂劍長江落月曉催人  
憑君為問乘驄使莫惜春風寄綠蘋



四溟集卷六